


228676



卷一四三八〇

寄字

卷一四三八一

寄字

卷一四三八二

寄字

卷一四三八三

寄字等



永樂大典

百四九

永樂大典卷之一萬四千三百八十

四霽

寄

詩十三

劉春虛詩寄闕防時在終南山豐德寺讀書青暝南山色君與緇錫鄰深
路入古寺亂花隨暮春紛紛對寂寞往往落衣中松色空照水經聲時有
人晚心復南望山遠情獨親應以修往業亦唯立此身深林度空夜煙月
資清真莫歎文明日彌年從隱淪幸愿詩寄裕之青雲一別阮家郎甚
欲題詩遠寄將好句眼前常蹉過佳人心上不曾忘誰家秋月茅亭底何
處春風錦瑟旁昌谷烟霞久寂寞歡遊還肯到三鄉次王無競見寄客
中重倚仲宣樓白草黃雲塞上秋山色不隨塵世改水聲還抱故城流隙
中畏景那堪玩鏡裏衰顏祇自羞多愧詩人苦相憶遠傳佳句弔清愁毛
達可詩寄陳子高秋來目送鴈南飛不似春風鴈却歸慚愧宜與老居
士一生只在釣魚磯何應龍詩寄胡雪江借得官亭小似船六橋風月
友三賢芙蓉未發荷花老一點詩情若箇邊李濤詩寄范稅院倚衡清
敬當年宰寶唐至今遺愛在甘棠稅苗有例分三等吏卒無因下六鄉時

異事殊民尚憶人。已政息事堪傷。如今白紵重催吏。也坐先生對越堂。魯
交詩有寄。思君又是東風起。樓倚浮雲自千里。芳草不知人斷腸。帶烟
帶雨連春水。戈鋌詩寄劉彥炳。征旆遙分苑路西。馬蹄春去弋陽溪。相
思欲和烏啼曲。一拂瑤絃意總迷。僧希畫詩早春闕下寄觀公。客心長
念隱。早晚得書招。看月前期阻。論山靜會遲。微陽生遠道。殘雪下中宵。坐
見青門柳。依依又結條。寄徐任。鄉園書久斷。寒夜起歸心。遠路秦關
外。啼猿劒樹深。貧遊年暗改。醉卧月空沉。幾夕疎林下。相思廢靜吟。寄
懷古。見說鵬陰僻。人烟半雜羌。秋深遠日短。風勁曉霜長。樹勢分孤壘。
河流出大荒。遙知林下客。吟苦夜禪忘。僧行肇詩寄終南种徵君。戴
浮清漢高眠。稱此心。住溪人未識。歸路鶴知深。峰晚迎寒翠。猿孤發夜吟。
霜天獨西向。無復夢山陰。僧圓悟詩寄方俊甫。市橋旁送別。轉影又經
時。幾度月圓夜。獨行誰共詩。菊寒開欲遍。書遠到應遲。西瀑成庵未。幽樓
莫負期。吳澈詩病後寄聞父。暗蛩咽幽響。隙月漏微光。溪上風雨過。愴
然有餘涼。病瘦鵝骨立。低垂不能翔。懷我山中兄。閒經焚道香。後蕭耿清
夜。鍾鳴悠夕陽。商秋早晚至。夢寐松楸蒼。蘇叔黨詩次韻趙承之寄玉粹
公。王謝風流不愧前。碧梧翠竹總森然。好歸葉鎖持簪橐。却卧鰲河閱

歲年。目送秋鴻凌絕漢。坐傳烽火到甘泉。想君坐嘯空齋冷。庭下蒲鞭無可鞭。戴師古詩寄趙叔魯。相知言莫盡。別後意如何。命笑春冰薄。愁因夜雨多。全家寓京國。無地着吟哦。會得窮通理。從余緝薜蘿。赤城左氏集。右丞許少尹被召。約送至白洪。爲舟人所誤。以詩寄之。短棹無尋處。嚴城欲閉門。水邊人獨自。沙上月黃昏。老別難禁淚。空歸只斷魂。定知今夜夢。先過白沙村。首靈野詩寄遠人。秋氣日淒清。秋夜初未成。在家猶不樂。行路若爲情。幾處好一作有山色。暮天羣一作日鴈聲。分明相憶夢。夜夜出江城。僧保暹詩寄白閣元貞。一聞歸白閣。更不入長安。絕頂無人上。西風徹夜寒。懸崖乘雪度。飛瀑過雲看。應念馳名者。青門得路難。僧用文詩經泗上有寄。秋色動離襟。相思寄旅吟。河分隨樹盡。路入楚雲深。積水沉孤嶼。微陽着遠林。故人不可見。何處訪知音。利履道敲柴。寄黃希聲。相會不教日。相別又經時。居然感我懷。何以寫所思。舉目皆我友。我心知者誰。知心而久離。此情悲不悲。八月寒氣高。芳蓮謝池池。時運迅不留。僥仰黃華暉。少年不再得。而不從以嬉。蕭條旅館秋。滿耳寒蟬啼。雲南志。改福立春。蠻地感懷。寄友人皎然。坐對梅花憶舊都。秋牽春到老云徂。紅塵暗合城邊路。白日西沉嶺外無。無用通衢慚老馬。幾時傾蓋會

醇儒抱琴憫使月。明名應屬書寄得無。桂林志陶弼寄陽朔父老。兩
官三任五溪羊。舊事長懷一惘然。爵祿豈知嫌武進。姓名猶賴得詩傳。萬
雲亭北山藏。雙月橋東水接天。爲報崇賢諸父老。寧君今悔把戎旃。休
旦翁詩寄葉唐卿。別後無書尺。閉門空一春。久貧諸世事。垂老念鄉人。
風雨吟燈夢。乾坤容劍塵。何時磯畔月。照夜共持輪。江陵張氏詩寄陳秋
塘。五湖風雪分頭去。千里淮山信脚行。涉世真成妄男子。談詩長憶老
先生。塘遺瓜茹頂頻灌。郭外田疇粗可耕。莫倚瘦筇吟白髮。浪傳新句入
新城。徐任詩寄舒州樂學士。峴伯臺前棘樹春。吳塘初下碧溪翁。舊游
風景長牽夢。遙羨高齋望白雲。劉光謙詩寄陳正叔雷希顏。東南形勝
古徐州。人物休評第幾流。落落陳雷天下士。政應連榻卧黃樓。米芾寶晉
山林集自述將寄薛紹彭。老來書興獨未忘。願得薛老同徜徉。天下有
識推鑒定。龍宮無術療膏肓。淮風吹戰稀。訟牒興客閒。閨壺漿。吟樹對
山風。景聚墨池濯硯龜。藏珠臺寶氣。每貫日月觀桂實。時分香。銀淮燭
天限。織女煙海拈地生靈光。鸞兒乃是翰墨侶。俠竹不使與衡將。篆管細
鈿映瑞錦。玉麟紫几鋪雲房。依依煙華動勁鬣。矯矯龍蛇起混茫。持此以爲
風月伴。四時之樂樂未央。鄧剡不糾翰墨病。聖恩養在林泉鄉。風沙漲天

烏帽客。胡不來。從此荒。寄薛紹彭。歐怪褚巖不自持。猶能半蹈古
人規。公權醜怪惡。札祖從茲。古法蕩無遺。張顛與柳顛同罪。鼓吹俗子起
亂離。懷素獨孫小解事。僅越平淡如盲璧。可憐智永研空印。去本一步呈
唾唾。法帖所載可見已矣此生爲此困。有口能說手不隨。誰云心在乃筆
到。天工自是秘精微。二王之前有高古。有志欲購無高貲。殷勤公付薛紹
彭。散金購取重跋題。中興江湖某寄荆帥劉待制。歷歷古荊州。才堪敵
壯遊。星飛雲澤曉。月破渚宮秋。身世浮如客。文章老不休。還尋宋玉宅。莫
上仲宣樓。雪入烹鱸鼎。花依弋鴈舟。竹枝歌未穩。處處有餘愁。彭止堂集
寄黃商伯兼簡詹元善。今日蠻荒好逢人。說桂林。祇應一片雪。端在兩
公心。祈望羅明月。生黎斷水沉。滔滔迷所往。莫忘指南針。都梁志寓弢陽
寄席大光二絕。心折零陵霜入鬢。更脩短劄問。何如。江湖不是無來鴈。
只慣平生作報書。芭蕉急雨三更聞。客子殊方五月寒。近得會稽消息
否。稍傳荆渚路岐寬。寄德升大光。君王優詔起群公。也。冥旌夫尺一
中。易着青衫隨世事。難將白髮犯秋風。共談太極非無意。能繫蒼生本不
同。却倚載陽千丈嶺。遠瞻黃鵠九霄東。李恭伯詩寄龍學。衆人皆說進
唯我優幽居。處遯事多亂。身閑氣不舒。千求非禄位。好尚豈詩書。日夜又

日夜霜寒鬢髮疎。又寄龍學。三十年交舊相逢各白頭。海隅曾共飯
 洛社又同遊。脫屣風波地。開懷松桂秋。兩眉從此後。應不著閑愁。凌虛谷
 詩寄題志留山。天監長留杖錫飛。千年通慧有傳衣。青紅欄檻搖波影。
 金碧樓臺繫月輝。世外最尊惟佛法。山中真樂息塵機。叢林多少楊岐屋。
 安得高人倚翠微。江湖復集歲。晚寄胡君綴。天道冥冥世道難。未知何
 處可求安。鼎中得米飯聲。擔上蓮梅泣血看。死骨累累無主拾。生芻獮
 獮有人餐。占星擬卜明年事。病眼觀星夜色漫。王魏公集常州寄呂進之
 五言一首。我我霍丘上。可以望九州。衮衮蔡河底。日夜無停留。子有山
 水近。官冗亦少休。登高望我居。寄書託東舟。非唯畏我思。亦以解子憂。我
 欲問子訊。冰泥塞邦溝。又欲識子處。東山豈高丘。惜哉所處異。會合寧易
 求。何時春風來。從我繫臺遊。嘉定史氏詩寄徐子新子頌伯仲。生無所
 成。今老矣。斷梗飛蓬何定止。江湖汨沒二十年。第妹飄零八千里。馬雖能
 走困蹶蹄。劍本煉鋼成。繞指人前羞見兄。長物欲辦一丘善吾死。君家兄
 第久見知。白頭如新有終始。長公德義遇元真。少公明敏師孺子。長才經
 國有原本。主父嚴安何足擬。奉親鄉黨法慈孝。護任用舍何慍喜。每思舉
 目誰我家。自賀得友有如此。擁爐夜語雜諧謔。把酒論文談至理。尋茶野

寺天或暮。爰且田舍日移晷。陽都別野三冬學。永有純綿食甘美。攜筇踏
 雪松山頂。藉草觀魚石橋趾。功名絕口不復道。休棲謂可終焉耳。信哉聚
 散非人力。止或尼之行。或使令爲石河父老留。比竹編茅桑柘裏。小畦僅
 可種韭薤。遠屋猶堪植桃李。飽飯雖度夏日長。破衣預畏西風起。病疽更
 不問醫藥。絕跡那能入城市。早來雖勤戀德心。地僻無人致雙鯉。別時藝
 麻燕未歸。今燕空巢人績臬。一日已覺三歲長。東望寧免踵頻企。壯盛猶
 若畏家狗。流轉況如旋磨蟻。常擬古人報一飯。恐負此心成沒齒。高柳鳴
 蜩日落西。獨立吞聲淚如水。權倖吐陵七月送客城。西門客旣去。日已
 夕矣。因記去歲與唐卿正郎登城東樓作乞巧飲。成短章寄唐卿。七月
 七日餞行客。西南缺月上城闌。一聲歌送一杯酒。不是去年歌酒人。阮戶
 邵集寄鄭良佐良佐戶獲甚多蟻之者。以爲神小婦。諸生多引去者。徐容
 之乃同姓此居之子。蟻者蟻其聲。可笑。書生著書貪日課。文士賣文救窮
 餓。青樓歌酒屬富兒。不意此名君乃荷。風波平地自誰始。一倡從知百人
 和。東魯男子舊修謹。南郡諸生底通備。平安敢煩街吏報。潔白長虞楚人
 些。流言不計兩曹參。橫上慈親枉驚墮。阮舍元須辦南北。社冠可無分小
 大。寧知宋玉笑登徒。或指宣尼作陽貨。璧玉誤使張儀去。兵利徒爲少卿

禍遽從兄食秋厚誣。價同舍金卿引過。無點可息。剝可補。未信白璧青瑣。
泥君不見。吾宗孟公士所傾。亦有俗子驚人坐。任元兒耿時舉。有和篇。
謹用韻寄。陳文一篇。以答字。弟慈子謹。射策明光最上游。千霄直氣
樓雲浮。平生所聞任定祖。十年堅卧巖壑幽。臂中經濟裁韜畧。價高連城
人不酬。急流勇退莫予武。旁觀誰爲君王留。歸來萬事了無愧。罪我知我
惟春秋。海沂之康談笑事。分毫未展惟惺惺。倒屣能延吾黨士。此客標置
高南州。翰墨從容千萬字。韻高不作河西謳。各持吾素報吾主。爲公不必
涓孫劉。嗟我已衰人不數。去來衆鴈雙鳬。寄徐季東。小窻杯酒恨
怱怱。別後誰來旅夢中。寒食東風歸去後。尋盟須過蒜山東。呂本中詩白
公守蘇時。劉夢得守杭。有歲暮贈劉詩三首。因效其軀寄齊州無咎二哥。
雖聊愧聲華。然不慙分義。過去生中作兄弟。依然骨肉有餘情。青衫校
正同三館。白髮東南各一城。君比鄴生多事業。我方謝朓欠詩名。想當把
酒笙歌裏。亦記長安痛飲生。江南歲晚水風寒。鈴閣無人晝掩闌。過雨
樓臺晚漢市。新霜松竹敬亭山。不悲仕宦從事拙。所喜形骸絕得閒。山妓
村醪君莫笑。亦勝首箱蒲朝盤。關河戰國東秦地。風月南朝小謝城。妓
樂比君拈不出。溪山許我睹來贏。真珠金線雖無比。疊嶂雙溪亦有聲。一

事與君霄壤別。板輿時從老人行。水西與李彥恢相從。余將取旌德趨
徽州。彥恢先歸旌德相候。何元任亦自太平縣來相送。遇于三溪驛。遂同
過旌德。道中寄二子三首。水西投宿近秋霜。起聽晨鐘厭束裝。尚惜故人
輕作別。龍山深處過重陽。村場路僻多無酒。野菊寒深亦未花。底事
中原歸不得。又扶衰病過天涯。白頭懶入少年場。二老追隨却味長。預
喜蟬前聽清話。夜牕相對一爐香。厲虎詩寄蕭平叔。孤琴塵鬢劍慵磨。
一曲蟬前且放歌。身計未成多激烈。年光自感益蹉跎。雲隨帆影西風急。
鴈引砧聲北思多。自是不歸歸便得。江南煙景復如何。澧陽志趙世延寄
夾山芳別圖。本來包却太虛空。萬象森羅立下風。假使悠悠千百世。聖
人復出此心同。薛反諒勸分山行。至日偶得便句。寄呈西壁廬訪。蕭
條行色歲將闌。半山在途雨雪間。百姓不堪飢欲死。一身焉敢自求安。流
移過野多枵腹。撫字無功獨厚顏。人道今朝是長至。旋沽村酒慰荒寒。
鄭燧過桐江擬訪戴雲梅塢。二郭文風急舟疾。不果一見。遂賦寄之。戴
雲家住此山邊。梅塢詩壇峻極天。路便好尋楊子宅。風狂難泊米家船。一
生自歎身爲役。數里相思鴈不傳。雲想無心重出岫。梅應傲世學梅僊。
李庭詠閨曉月望日立春大雪。寄蘭江諸公。泥牛推倒不多寒。便覺和

風天上還。冉冉祥雲來海外。紛紛嘉瑞滿人間。酒酣紅顏生春暈。花不嫌人
上鬢斑。夜坐醒來詩興發。客懷如此未爲慳。十七夜雪月交輝。再寄諸
公。東風蕩盡四垂雲。恍若初開渾沌昏。天花瓊花收不去。廣寒蟾魄故
來辰。須知圓缺難爲地。青鳥清寒便掩門。貧賞不知天早晚。一盃還欲借
春溫。郭貫履視澧陽早傷。馬上得小詩數首。寄贈府推公亮。庶幾以告
牧民者。長民職在牧斯民。疾痛當思切已身。一婦一夫皆我責。忍同居
越視秦人。食將適口須無味。穀不充腸奈若何。寄語豪門飽溫者。由來
益寨在搭多。深山窮谷遍飢人。食盡田螺到草根。賑濟明條今已下。要
將實惠答天恩。訪求民瘼監司責。撫養黎元守令功。所願同心敦德澤。
盡回列郡入春風。沴氣爲災事豈常。救荒新政要論量。武陵前日活民
策。人道令行到澧陽。溫州志陳陶寄溫州胡使君。亂山蒼海曲。中有橫陽
道。東馬過銅梁。蒼華生堪老。鶴鳴高崖裂。熊聞深樹倒。絕壑無坤維。重林
失蒼昊。躋攀寡儔侶。扶接念與皂。恍仰慄歎空。無因振靈草。梯窮聞戍鼓。
兔績賴丘禱。敢訟天地歸。榮紆村落好。悠悠思將徑。擾擾愧商皓。馳想永
嘉侯。應傷此懷抱。時明守與可知溫州陳陶張次明山寄詩。謝周邠寄
鴈蕩山圖。指點先憑採藥翁。丹青化出大槐宮。眼明小閣浮煙翠。齒冷

新詩嚼雪風。二華行觀雄陝石。九僊今已壓京東。此生的有尋山分。已覺
溫台入手中。沈括寄永嘉王博士。十萬縶韉臨易水。五營旗鼓出中
山。去年今日西岑別。回首吳江夢寐間。林泉生龍漱瀑布。寄季和李君。
鴈蕩峯頭春水生。無邊木葉作秋聲。六龍捲海上霄漢。萬馬呼風下雪
城。春盡不知陽鳥去。崖高惟許白雲行。故人家在北山下。野竹寒流亦有
情。陳高寄題葉氏皆山樓。聞道君家樓絕奇。青山重疊間杳蔥。嵐氣
常令牕几濕。日光應出樹林遲。二月三月雨晴後。千峰萬峰雲起時。想見
登臨足幽賞。倚欄留客共題詩。名陽志。楊鳳寄楊正卿燕簡李子微。洛
陽自古衣冠地。勝友新來競結鄰。聞道華玄楊給事。又招著白李山人。石
樓並禪煙波晚。金谷聯鑣野草春。悵恨東遊戎馬隔。幾回歸夢到天津。
揚載陽寄閔鄉夾谷師三首。簿書拋擲寄黃冠。過客如雲不作難。一片
荆山青似玉。幾時同向月中看。家在西原欲盡頭。門前流水至今流。世
人貪作功名夢。誰向瓜田問故侯。千征萬戰鬼爲鄰。歷盡興亡得此身。
今日潼關破下路。靜看車馬走紅塵。寄閔鄉馬信之。馬氏家聲許白
眉。少從翰墨悅從醫。經春一就成歌側。衆石膏肓不受治。袁州府宜春志
陸經調袁州道中寄子美。憶昨共繫吳門舟。我行千里君獨留。江花繁

爾不同醉。野月嬋然增此愁。談笑遂令舌本強。詩篇頻覺筆鋒柔。滄浪書
信無消息。鴻鴈來時覩衆頭。去年醉到紅花老。憂患相寬獨與君。今日
天涯又春色。却尋高處望兵雲。青紅染出化成寺。羅鼓鞦開秀水紋。風物
感人音信少。眼前雙燕護紛紛。蔡旛寄上宜春沈使君。階前石瘦水
淙潺。深樾亭中六月寒。沈玉伴公臨翠竹。傾銀留我駐征鞍。龍門已恨相
從晚。國士尤慙欲報難。萬丈光芒在行索。歸來別作一流看。徐師閔袁
州劉司法亦和予摩字詩。因次韻寄之。袁州司法多無局。日暮歸來印
幾窠。詩罷春風榮草木。書成快劍斫蛟鼉。遙知吏隱清如此。應阿卿曹果
是何。頗憶病餘居士否。在家無意食蘿摩。王員白寄鄭谷。五百首新詩。
緘封寄去時。秋憑夫子鑑。不要俗人知。火鼠重燒布。冰蠶乍吐絲。直須天
上手。裁得領巾披。齊已履寄鄭谷。白髮久慵簪。嘗聞病亦吟。瘦應成
鶴骨。閒想坐禪心。上國楊花亂。滄洲荻笋深。不堪思翠蓋。西望獨霑襟。重
愛郡志。余猶憶古調。寄趙信庵。我所思。思丞相趙公也。命佩相印。公
辭不拜。天知公心眷之愈厚。而國人未知公之志。公高卧東山。吟嘯自若。
其客余甚擬四愁作詩以寄之。一章明其志也。二章言有君如此不可負
也。三章叙從遊之義也。四章爲世事而致意也。託物以嗟歎。言近而指遠。

靡有補於用人之道焉。其辭曰：我所思兮孤鳳凰。晨遊紫霧夕飲霜。欲往從之天茫茫。梧桐竹實非所求。翔而不下天爲愁。何爲百鳥自喧歌。我之懷矣心傷憂。我之所思兮鳳凰臺。鳳去臺空亦何哉。欲往從之人驚猜。浮雲自浮日自明。長安在望瓊枝生。有君如此想知心。君恩未報胡爲情。我所思兮天馬徕。朝遊閭闔暮玉臺。欲往從之路不開。記曾策蹇趨鞭彌。掃平僭叛塵沙裏。今雖老矣志未已。安石東山何時起。我所思兮荒年穀。曾飽天下飢人腹。欲往從之勢蓄縮。今年米賤人給足。忘却忍飢妻啼哭。但願常常逢大熟。大家只貴豐年玉。寄趙信庵。去年曾拜一書。至今去吏猶未回。因思從公兄弟。戡定禍亂。同獎王室以來。馳驅鞍馬間幾二十年。何嘗相去許遠。相離許久。乃一年不得信音。萬里不能見面。人生幾何。消得幾書。臨風悽斷。前月拜真帖之賜。囑壽公之子者。讀三過。知先生思某勤甚。吾人交非勢利。親如骨肉。如之何而不思。承索舊作。泛准諸篇。此豈足言詩。別紙錄呈。蜀有寫某陋容者。人以爲相似。捲以達左右。我可以慰公思。見下客之心。十二詩列其下。用當答書。祇恐益重相思耳。飲滿梅花酒一卮。風前行散鬢如絲。嗅香嚼蕊無人問。此意難言心自知。具楚從公二十年。緣何隻影面西川。吾人聚散關天道。此事由來不偶然。

腰帶新來領減圍。休文憔悴遠誰知。請公試看丹青貌。爭似平淮少壯時。
年時已寄音書後。每向長江問鯉魚。縱有鯉魚解人意。百年能寄幾封書。
一箇遺報一箇詩。此是行軍淮浦時。底事達人猶誦說。聽知無日不相思。
雪梅和月度疎籬。自是公家黃卷辭。一紙書來渾不說。如何抵說泛淮時。
言言徵索舊時詩。於此知公有所思。只恐見詩思見面。傷心淪落各天涯。
有人曾到湖南者。能說江頭自種園。莫種閑花種梅樹。且圖疎影伴黃昏。
艤船浮戲水之涯。自汲清湘自煮茶。茶罷詩成仍治圃。相公真是道人家。
想象人間十二樓。湘江東畔即瀛洲。應憐阿叔今孤冷。身在蜀天天盡頭。
淮南賓客舊紛紛。今在湖南有幾人。下客樂時官事了。去鋤瓜圃作比鄰。
介湖心事更清虛。曾共南樓一醉餘。遺我五詩猶在篋。相逢爲問近何如。
李宏和呂居仁涇縣旌德道中見寄。筭與破曉踏新霜。十里高安遠辨裝。會約明年追勝集。策筇細把記重陽。
山環餘閣染深綠。石吐寒泉颺浪花。一夜秋霜不成寐。感時憂國思無涯。
賞溪漱玉聲湍激。石壁參天路阻長。準擬解鞍能過我。新泉活火茗甌香。
馬存寄范安道。西山石脚盤如城。芙蓉峯捧龍泉精。有客高臥青雲層。孤吟自作太古聲。
古聲無味淡如水。今人有耳甜如飴。君不見。

登高山。泛流水。子期已沒不復生。幾世幾年無此耳。恨君不到蒼巖陰。不見此客搖頭吟。千崖萬壑羣動息。相知唯有清泉音。春風捲野濃如波。著人如醉將奈何。幾時見我銅鞮陌。爲唱襄陽拍手歌。沈伯達解印至大橋鋪寄邵陽父老已過長亭一舍寬送行猶自挽征鞍我無惠政蘇凋瘵何事邦人淚不乾六月十七日夜寄邢子友暑雨雖不足涼風還之餘樂此城陰夜何殊山峻居月明蒼檜立露下芭蕉舒試問源虛閣今夕復焉如先寄邢子友作客今年樂有餘邵陽岐路不崎嶇山川好處歆紗帽桃李香中度笋輿欲見舊交驚歲月剩排幽話說艱虞人間書疏非吾事一首新詩未可無趙鼎過大橋并出界偶成四絕寄邵陽諸老三首行過郵亭日未西遮留父老雜童兒寄言我自無遺愛底事潛然出涕洟聞說當年送沈君一城攀卧盡沾巾續貂雖不親傳授也解規隨繼復塵邵陽拙政一年餘不暇稍思及遠圖且了眼前無職事家家溫飽是良謀都梁志胡樂奉寄武岡使君公甫國錄越絕孤城湘以南週遭煥翠擁浮嵐使晚吟韓應歎塞楚人何敢狼如羊顰承歸夢繞茶靡羞澁中和樂職詩人笑安能動萬衆伯魚暫許長扶老第五扶老長漢注在文內此陸有四明方丈同帝咨良牧定登庸永須料理縣中佐

此子只堪丘壑中。潼川志張士遜和鄭城友生見寄。鄭遠六十里。將
深隱同。人家飛鳥外。官舍翠屏中。政則慙前輩。吟還得古風。多君有新作。
不忘慰幽悵。寄唐山人。梓潼江口沿江上。深僻還如郭杜村。獨坐翠
光噴釣艇。萬秋寒影落吟軒。新編自集詩千首。好月誰同酒一罇。我有十
年狂簡在。會須乘興雪中論。寄陳書記赴闕。同院青霄著錦衣。翩翩
運轡詔書歸。便著應好柳神羊。被鎗仍曾破賊圍。治水夢回人乍到。劬
風冷葉初飛。徒勞下吏偏多戀。薄宦飄然失所依。四明志寄育王山。長老
常坦。道人少賈海上遊。海船破散身波浮。抱金滿篋人所寄。吹簫偶得
還中州。羸身歸來不受報。祇取斗酒相獻酬。歡娛慈母終一世。脫棄妻子
藏崑崙。蒼厓寒冱池水湧。白玉菡萏吹高秋。夜燃栢子煮山藥。憶此東望
無時休。塞垣春枯積雪留。沙磧慙慙黃雲愁。五更尺馬隨鴈起。想見郊郭
花稠稠。百年誇奪終一丘。世間滿眼真悠悠。寄聲萬里心綢繆。莫道異趣
無相求。舒亶粹老使君前。被召約住它山謁。善政侯祠既不果。以書見
抵。謂可歎惜。并示廣德湖新記。因成長句奉寄。長江衮衮西南流。秋水
時至狂不收。大浪似屋山欲浮。王侯神智禹所歎。萬鬼琢玉它山幽。梅梁
鼎巖卧龍蚪。咄嗟湍駭就欲擊。巨靈縮手憑公羞。障成十里沙中洲。支分